



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manuscriptis Codicibus, Qvarvm permultæ antehàc nunquàm
in lucem prodière

Complectens Sanctos Mensivm Novembris Et Decembris

Surius, Laurentius

Coloniae Agrippinae, 1576-

VD16 S 10263

Pio Et Candido Lectori S.

[urn:nbn:de:hbz:466:1-77423](https://nbn-resolving.org/urn:nbn:de:hbz:466:1-77423)

PIO ET CANDIDO

LECTORI S.



Quod plus moueant, fortiusque ad Christianam pietatem excitulent exempla quam verba, pleniusque sit opere docere, ut inquit Magnus ille Leo Pontifex, quam verbo, testantur tam multi sancti & eruditissimi Patres, qui Sanctorum utriusque sexus hominum Vitae describendas sibi sumpserunt, & cum ineffabili fructu ad posteritatis notitiam transmisserrunt. Nouimus ex D. Augustini Confessionibus, quantum illi Lib. 8. cap. 6. adhuc vacillanti contulerit audita vita beatissimi Antonij Eremitae: nec dubium, quin innumeris alijs idem euenerit. Nostri instituti primus auctor & patriarcha Dominicus, Patrum exemplis summo perere delectatus, ad supremam vitae spiritalis & religiose perfectionem peruenit. D. Thomas Aquinas, sui patris Dominici vestigijs insistens, eiusmodi lectione haud vulgariter afficiebatur: nec id sane absque ingenti fructu. Quod si verò his solidior a petimus, non desunt nobis ne ipsius quidem scripturae diuinae testimonia. Iesus Syrach à cap. 44. vsque ad quinquagesimum primum in suo Ecclesiastico quid aliud, quam Sanctorum, qui in hac vita Deo placuerunt, exempla commemorat, eaque nobis ob oculos spectanda & imitanda proponit? Matathias ille legis eximius zelator cum ab hac vita esset abiturus, fidios 1. Mach. 2. suos nulla re aliam magis, quam recitandis Patrum gestis, ad agendum fortiter pro Deo eiusque sanctissimis legibus exhortatur & confirmat. Sed & in nouo Testamento D. Paulus prolixus est in precedentium sanctorum Patrum celebranda fide. Posset huius generis permulta alia adduci: sed res per se adeo illustris & perspicua est, ut superuacaneum videri possit, illi docendae rationes & argumenta adhibere. Itaque non aprobe, atque etiam commendare tam pium studium R. Patris D. Laurentij Surijs Carthusiani, qui non paruo labore has Sanctorum Vitae ex diuersis auctoribus & egregijs manuscriptorum exemplaribus collegit, & tanquam rarum quendam thesaurum Catholicae Ecclesiae hominibus contulit: quam spectabilis viri D. Geruini Licentiatii utriusque Iuris, diligentiam & sedulitatem, tum in ponenda sua in MS. exemplaribus conquirendis opera, tum in excudendo opere tam pio & Ecclesiae salutari. Tu itaque his fruere, Lector amice, nihil ambigens, quin eorum lectio non solum detrimentum nullum aut perniciem, sed ingentes potius & vberimos tibi sit fructus allatura. Vale.

F. Theodoricus Buscoducensis, fratrum
Dominicanorum intra Coloniā Prior
& Apostolicus Inquisitor.